

JAMECA janji bawa lebih ramai pelabur Jepun ke Malaysia

Oleh MAISARAH SHEIKH RAHIM
maisarah.rahim@mediamulia.com.my

PUTRAJAYA: Persatuan Ekonomi Jepun-Malaysia (JAMECA) menyatakan komitmen untuk membantu menarik lebih ramai pelabur dari Jepun ke negara ini bagi merancakkan kembali ekonomi negara.

Perkara itu dinyatakan dalam pertemuan Perdana Menteri, Datuk Seri Ismail Sabri Yaakob bersama Presiden JAMECA, Tsuyoshi Nagano yang juga Pengerusi Tokyo Marine Holdings Inc. dan Setiausaha Agung Persatuan Kazuto Sasaki pagi ini, di Tokyo.

Perdana Menteri berkata, usaha ini sekali gus dapat membantu mewujudkan lebih banyak peluang pekerjaan kepada rakyat negara ini.

“Dalam pertemuan itu, JAMECA turut menyatakan hasrat untuk mengadakan Seminar Dasar Pandang ke Timur pada 1 Ogos nanti.

“JAMECA ditubuhkan secara rasmi pada 1977 di Kuala Lumpur dengan tujuan mempromosikan keharmonian hubungan ekono-



ISMAIL Sabri Yaakob bertemu Tsuyoshi Nagano di Tokyo semalam bagi membincangkan kemasukan pelaburan dari negara itu ke Malaysia.

mi antara Malaysia dan Jepun,” kata Ismail Sabri menerusi Facebook beliau semalam.

Perdana Menteri kini mengadakan lawatan kerja rasmi ke Jepun sehingga 28 Mei sebagai satu kepentingan hubungan dua hala antara Malaysia dan Jepun.

Ismail Sabri berkata, Dasar Pandang ke Timur yang dimulakan 40 tahun lalu menjadi-

kan Malaysia antara destinasi pelaburan yang strategik bagi syarikat terutamanya dari negara matahari terbit, sekali gus menjadi penyumbang kemajuan pelbagai sektor di negara ini.

Beliau memberitahu, dalam tempoh tiga bulan iaitu dari Januari hingga Mac tahun ini, jumlah perdagangan antara Malaysia dan Jepun meningkat sebanyak 13.3 peratus de-

ngan RM41.75 bilion (AS\$9.96 billion) berbanding RM36.86 (AS\$9.07 bilion) dalam tempoh sama pada tahun 2021.

“Pada tempoh berkenaan, jumlah eksport Malaysia ke Jepun juga meningkat sebanyak 19.6 peratus iaitu RM22.68 bilion (AS\$5.41 bilion) berbanding RM18.96 (AS\$4.66 bilion) dalam tempoh sama pada 2021,” katanya.